





原件短缺

1-2頁

操宏博明徹之詞在
在得師即千古英躔
六經芳潤恍然時覲
面焉五十年来所欲
尋繹而不能致者一

旦重邁譬隋珠和璧
離而復合干霄照乘
神采煥然其欣快何
如蓋山川靈氣發洩
於人文者積數百年
得司馬而其盛始傳
竒書秘寶神物護持
又越數十年得給諫
而其傳始久鄭黃家
學淵源最號長遠梁

陳間讀書於衆人未
讀書之時者南湖鄭
恩叟先生也唐貞元
間吾鄉已有舉進士
者乃若文章名家為
莆初祖則御史黃文
江先生也編錄者司
馬則鄭先生後重興
者給諫則黃先生後
搃之克繩顯祖章往

昭來有功於維世均
也觀人者於其所發
而所存可知子貢曰
進賢賢哉予亦曰錄
賢賢哉山齋公直氣

勁節

天子嘉之曰貞臣林貞
肅公以元老而亟推
重其品可想也兩石
慷慨有大志嘗請于

朝復革除統紀謚仗節

諸臣真可以扶植名

教林居嗜學戶外事

天若浼惓惓先哲表章

文獻與昔日疏彭惠

安公改謚蓋不勝高

山仰止思矣今

天子久道化成莆縉紳

聯翩蔚起道德勲業

當有不媿前修者文

章抑其餘耳予耄年
自揣謏陋久荒筆研
特嘉雨石是舉僭掇
數言并以伸吾黨興
復之志云

萬曆四十四年歲次
丙辰孟秋朔旦鳳山
九十一樵人原湖侯

清書



蒲陽文獻序



蒲文物起於隋興於唐而尤盛於宋海濱鄒魯至今
焉而紀述遺缺紹熙時始有軍志洪武時始有事述
郡志弘治時也文獻之脩尚缺千百年光嶽之氣彙
鍾于元人者爲道德爲節槩爲勲烈文章爲四儒道
學以茂贊皇猷輝發聖蘊如景星卿雲轉瞬而消滅
以盡其不深可慨與然有甚難者夫記誦弗博則搜
校漏遺升落無章亦準量決擇有所未至重以叅愛
惡其間與欲借隻詞而不遂者則吠聲曉曉市虎三
告故退之不作史子瞻病文選無法而文鑑去取亦

不憚於晦翁事述郡志同撰自相詆訾文獻之筆其未易操也乃以累吾鄭公山齋取立齋手錄蔡以諸家遺文并述志而類萃之人取其尤事取其覈詩文取其純整無畔道后峰間商校必東士遠間刪削焉閱數歲始克就編屬余爲序余未見成書要自公出賢者也三君子又賢者也書固足信矣第不知有借隻詞不遂否乎吠聲之屬其不謂終無也道也者求諸我爾矣盡不盡吾知之信不信又胡從而知之司馬遷史記雄向稱良史才子由兄弟獨疎淺病馬抑無害遷也纂輯定監戒昭爲莆立赤幟今之視宋猶宋人之視唐人也人文之盛有大書特書不一書者矣

嘉靖甲申十月旣望見素林俊書于雲庄青野



莆陽文獻後序

莆之地始闢于秦至漢武帝以其阻險易變也盡徙其民而墟之晉亂中原衣冠避地而南於是有所謂八姓入莆者自後徙居日益衆休養衍庶遂齒上國然當其時人猶未知學也吾祖南湖露公始以其學倡之歷唐而宋遂有海濱鄒魯之稱浸淫至於今日盛亦極矣歷代既久遺文散落顧未有蒐綴而會粹之用備一郡之典豈非大缺事歟鄉望見素林公松丘方公暨后峰伯固嘗相與閔惜因授役於予俾從事焉眇焉謏陋大懼弗任爰考郡乘所列諸家著述

甚多求之今惟忠惠文軒後村三四遺集在其散見
文粹文鑑諸書者僅數篇雖當代近裔亦或併其先
世手澤而亡之可嘆也已立齋宋公嘗手錄先輩遺
文六冊得以爲據若藏庵所編岡鳳集則又病其太
濫於是更加延訪採擇閱數歲始克成編凡詩賦銘
贊序記題跋若雜著奏議之類列爲若干卷庶幾其
可傳者旣又仰而嘆曰文以載道也文不本於道藝
焉爾矣而深於道者固不屑於文也文可獨傳乎哉
迺復取郡乘所載人物事蹟略加芟潤且爲補遺參
用班馬氏義例類編爲傳若勲德若文學若忠孝廉
惠之類列爲若干卷其家庭之濟美師友之淵源或
寒畯而特起班班可攷以是而參校夫文上下數百
年間山川宇宙之精英庶於是乎具噫亦盛矣魯穆
叔謂太上立德其次立功其次立言後世所就要不
能如古然擅其一長亦足名世而垂之不朽况兼之
乎鄉邦前哲後進軌範有志尚友者不於是而求之
將不謂東家丘者類歟或曰子之輯是其用心亦勤
矣若倚摭星宿而遺羲娥得燕石輒以爲璞又寧不
爲是輯病歟予曰唯唯是謏陋之罪也然失今不錄
其後益至於泯滅無傳矣輯之弗善固猶愈於已乎

若夫因略致詳由粗致精搜補缺漏而正其訛謬使
吾邦文獻永永足徵固將有待於後之君子

嘉靖四年歲在乙酉夏四月朔鄉晚學山齋鄭岳謹

書



重刻莆陽文獻後序

夫自文獻名立而郡國皆

藉以為重自三不朽說起

而文獻又以次第分馬班

列傳若天人治安諫獵長

楊皆因人附文豈當時重

在廣川雒陽而文采歲隄
即當盧梭閣亦不以其故
廢傳也迨後漢於列傳之
外別加文苑南齊又易以
文學然文苑則以狂疾禰
正平與至孝黃文彊并稱

惟傳其事不錄其文而文
學則游夏所得與於聖統
者亦令飲酒不羈之靈鞠
放誕任氣之檀超厠名其
間獻乎文乎合則爲馬班
分則爲後漢南齊互有得

失甚哉文獻之名重而文獻之實未易覈也吾鄉

鄭司馬山齋公輯郡內梁陳至今著作凡十三卷又取名公事蹟爲列傳七十四卷名曰青陽文獻公清

嚴雅望謇諤孤忠冠冕朝紳羽儀世道而是書尤其所自任爲鄉邦折衷者蒐采鑑衡殫心極慮商訂三氏數歲始成列傳俟之馬班而文非合標文殊於後

漢而傳非分其有玄珠久
沉於赤水五色尚存於丹
穴則或論世而闕其文或
因文而紀其名議論義例
較之前史且什伯蓋已陋
長卿子雲更何有正平而

下乎真可謂一郡大觀千
年勝事矣然而龍所欲起
公於九原而與之相質正
者則以翁諫議錯趾梁庭
徐著作脩潤道史林侍講
梯榮策答皆宋立齋公所

責備侍御楊朝重林貴實
二公風采凜然則彭惠安
公所心折者并不載其諫
草而林只附傳林克全侍
御故尤難解林艾軒黃四
如二先生以經學知名林

易解尚書語錄雖云煨燼
然其說詩論語猶見於趙
子直宋去華李泉州簡牘
黃四書六經講章爛然日
星郭孝子祠記墓表尤禪
風教胡均未得表章豈公

於林之去取別自有見而
於黃未覩其集與大抵是
書銓次有方琳瑯會粹惟
翼經之作猶缺疏議不能
無漏若增以林黃窮理楊
林奏事諸篇令鄉邦得覩

續聖正脉經

國讜謨質諸古立言之旨庶
幾不朽公如可作也且然
龍言乎哉嗟夫人材難得
千里比肩比屋可封元愷
爲倡莆獻彬彬流光史冊

則南湖講學實濬其源後
進聞風久而彌奮道德勲
烈節槩至宋益盛我
朝教化翔洽諸名公項背相
望不但以文章頡頏宇內
故其時風俗學宗經官賀

貧冠三加昏擇耦喪闢佛
祭用飭酒尚玄服疏布士
大夫躬行於上庶人則效
於下地不大曹滕俗已幾
鄒魯昔人所稱諒非溢美
自

國初百五十年則鄭山齋公
脩文獻時矣再五十年則
柯希齋公續文獻時矣再
四十餘年則今日矣文明
蔚起紳珮聯翩時勢漸趨
河流東注撫今追昔同有

維風之責者安得不爲是
廩廩故論文獻雖不敢妄
意夸父之逐日論風俗亦
未必爲杞人之憂天矣是
書遭嘉靖壬戌兵燹僅存
一部龍思歷代人文之盛

懼鄭公手澤之湮遂付剖
劖以廣其傳因述所聞
國初風俗以竢夫好古挽回
之君子謹叙

萬曆四十四年歲次丙辰
孟秋下澣鄉後學黃起龍

書于印水之恬養軒



莆陽文獻凡例

一文獻獨名莆陽者本莆口之地古名莆中舉莆則仙遊興化二縣可兼之矣

一採輯詩文以年代為先後作者姓名各列本題之下有傳者則曰見本傳或附見某傳無傳者則詳其字號爵里

一詩文散在翰墨全書等書及各家譜牒者尚多製作未工亦不盡錄此錄嘗經黃后峰朱必東陳士遠三君子商確去留期以垂遠

一歐陽四門本泉州人讀書于莆子孫遂為莆人

今泉州已梓行其文此不復入

一人物列傳府志各分門類今用班馬例取其大槩相類者合為一傳或各為一傳

一仙遊興化人物各自為傳傳首必書某縣人其不書者皆莆人也

一府志人物或父子兄弟散見各門今系而書之亦史家法也

一府志人物各有論斷今不暇錄觀者自當參考一府志之脩距今二十餘年矣賢哲繼謝尚未及載今作補遺凡十六傳

重校文獻紀略

是書字多亥豕板沒劫灰既授重鑿爰加勘訂如鄭昇之孫可復林大有之子雷龍傳作鄭孫林雷此訛之大者業已改正林誠附林正傳失於標目亦已增補餘悉仍舊惟附刻

鄭山齋公傳此係

柯希齋公特筆公沉詣卓識不輕許人者讀斯傳亦可論鄭公之世已

萬曆丙辰孟秋東里黃起龍謹識

卷之五 賦二首

卷之四 賦二首

卷之三 五言古詩二十八首

卷之二 七言古詩二十六首

卷之一 五言律詩五十一首

卷之五 賦二首

卷之四 賦二首

卷之三 五言古詩二十八首

卷之二 七言古詩二十六首

卷之一 五言律詩五十一首

莆陽文獻目錄

卷之一

賦二首

卷之二

五言古詩二十八首

卷之三

七言古詩二十六首

卷之四

五言律詩五十一首

卷之五

卷七言律詩七十三首

卷之六

卷五言絕句五首

七言絕句二十首

卷之七

銘二篇

卷箴五篇

贊一篇

卷雜著三篇

說四篇

傳一篇

題跋十五篇

論辯三篇

祭文六篇

卷之八

書啓十二篇

卷之九

序文二十首

卷之十

序文四十八首

卷十一

記十五首

卷十二

記二十四首

卷十三

奏議三十篇

列傳共七十四

傳之一

鄭露

弟莊淑

傳之二

林蘊

父披 兄藻

傳之三

林攢

傳之四

黃璞

黃滔

傳之伍

許稷 徐寅

傳之六

翁承贊

傳之七

鄭良士 子元弼

楊在堯

傳之八

陳靖 父仁璧 孫惟德 從孫中復

傳之九

蔡襄 弟高 孫傳伸 佃 曾孫楠 樞 琳 洸

傳之十

傅楫 從子權 稀龍 從孫知柔 傅佇 子汶 淇 從孫誠 誠 大毅

傳十一

余象 朱紱 子宗 陳次升

傳十二

方儀 黃君俞 黃隱 黃穎 吳世延

林緒 徐復 方漸 鄭伯玉 方惟深

傳十三

方慎言 從孫适 孫通 曾孫軫 方慎從 陳侗

子彥恭 徐確 子師仁 壽仁 方偕 林積仁

林之平

傳十四

方峻

子士寧 子容 元宋 孫絢 曾孫略 翁 玄孫未 壬

方嶠

子騫 宇 完 宙 從孫會 曾孫士繇

傳十五

余祖與

子武彌

黃琮

黃彥輝

吳公誠

李持正

孫揆

蘇燁

弟棧 棧孫漬

林伸

黃宣

傳十六

鄭濟

方廷實

王晞亮

曾孫太冲

傳十七

潘慎修

李欣

李德昭

陳鶴

附游輔

傳十八

林宋卿

曾孫有之

蘇欽

子洸 孫權

王回

陳開

陳覺民

林豫

子師益 師說

傳十九

葉賓

從子確 確曾孫立志

陳闡

林正

子鳴

姪一鸞 孫豐

陳可大

傳二十

張式

許稹

郭琪

許懋

陳大卞

子顯仁

黃沔

洪天賦

從弟處厚

朱泳

陳慶烈 陳珙

傳二十一

方次彭 從弟公衮 從子亞夫 林迪 陳惟剛

從弟師立師立子昭度

黃鐘 董公偃

傳二十二

薛利和 孫倬 曾孫璨 珩 珩 曾孫季良

陳鑄

林成材 吳珏 鄭廷芬 謝洪

傳二十三

陳俊卿 子守定 必 從孫均

傳一十四

葉顥 兄顥 孫崇 從曾孫大有

傳二十五

龔茂良

傳二十六

鄭僑 子寅

傳二十七

林光朝 姪成季

劉夙 子彌正 彌邵 孫克莊 劉朔

子起晦 孫希仁

陳士楚 黃芻 卓先

傳二十八

鄭厚 鄭樵

傳二十九

鄭可學 鄭耕老 鄭獻翁 黃士毅 方大壯

子東叔 姪符 孫蒙仲 曾孫公權

黃補 黃績 子仲元

傳三十

張弼 林象 林肅 余元一 林磻

鄭鼎新 謝升賢

傳三十一

方信孺

傳三十二

陳居仁 子卓 宋槩 從子藻 藻之孫鉤 林枏

傳三十三

方大琮 子演孫 吳叔告 李丑父 丁伯桂

姪南一 林彬之

傳三十四

王邁 陳謙 祖驥 父豐 弟諒 丘奐 孫微之

許巽 余崇龜

傳三十五

姚宗之 薛元鼎 子鸞

傳三十六

黃公度 翁黥 黃艾 陳煒

傳三十七

許博六

歐陽直卿 王浣

方應發

傳三十八

鄭昇 孫可復

茅知至

林大有 子雷龍

陳高

蔣維

尤彬

陳冲飛

陳之亮

傳三十九

方秉白 子辜鳴

方汝一

林大鼎

柯夢得

趙庚夫

余謙一

鄭鉞

傳四十

陳文龍

陳瓚

傳四十一

林冲之 子郁 從子震 震

阮駿

陳淬

宋旅

方喜

林興宗

卓得慶

傳四十二

鄭勲

陳吉老 子希造 孫沂

傳四十三

薛奕

林子立

陳自仁

傳四十四

郭義重 四世孫道卿

徐膺

彭受

龔拍

鄭褒

劉洵直

吳稟

傳四十五

陳亨運

傅孝明

郭濟

黃廓

許天麟

傳四十六

吳興

李宏

李富

林國鈞

方祐

傳四十七

陳旅

鄭杓

朱文寔

顧長卿

黃方子

傳四十八

陳紹叔

劉有定

方德至

林以辯

傳四十九

吳源

傳五十

林圭

陳賢

子淮

傳五十一

方徵

林仕敏

林長懋

傳五十二

陳繼之

陳彥回

傳五十三

林環

姪思承

揚慈

傳五十四

黃壽生 子子嘉

陳用

陳道潛

傳五十五

陳中

方澥

李廷修

王偉

傳五十六

鄭雲

林時

方鯉

鄭述

余耀

何誠

林和

傳五十七

林文

陳音

傳五十八

柯潛

吳希賢

傳五十九

翁世資

傳六十

陳俊

傳六十一

彭韶

傳六十二

楊琅

吳智

黃璉

方守

林漢

傳六十三

林岳

黃謙

顧文 族子孟喬

方熙

周瑩 姪軫 林庭芳

傳六十四

曾景修 黃誦 孫頤 林永齡

林大猷 林祥 陳遜 陳鉞 林智 鄭循初

傳六十五

鄭紀

傳六十六

黃譽 嚴淦 朱寬

方珪 林正 林誠同傳

傳六十七

林元甫 吳繹思 楊瓚

傳六十八

鄭照 顧元 陳燮 陳遷

傳六十九

周瑛 黃仲昭 宋端儀 祖勸 父汝勤

傳七十

鄭瑗 黃瀾 陳仁 吳仲珠

傳七十一

方樸 郭完 伍衡 黃約仲 吳稔

朱煜 子愷

傳七十二

林長清 林淮

傳七十三

李苾 陳睿傑 劉閔

傳七十四

陳茂烈 黃鞏

傳七十五

鄭岳 見續文獻
今增入

莆陽文獻卷之一

兵部左侍郎山齋鄭岳編定

南京吏科給事中後學黃起龍重校梓

賦

娼娃宮賦 以驚上空壕色
施碧草為韻

黃洎 見本傳

吳王歿地兮吳國蕪城故宮莫問兮故事難名門外

飛其玉弩座中委其金觥舞榭高臺朝為宮而暮為

沼英風霸業古人失而今人驚想夫桂殿中橫蘭房

內創丹楹刻楠之殊制釳砌文軒之詭狀如從渤澥

徙蓬闕於人間若自瑤池落珠宮於地上繡柱雲楣

飛蛟伏螭基局鬱律鈎楯參差碧樹之珍禽夏語綠
窻之瑞景冬曦吳王乃波伍相輦西施珠翠族來居
玉堂而瀕洞笙簧擁出登綺席以逶迤觸物窮奢含
情愈惑欲移楚峽於雲際擬鑿殷池於檻側花顏縹
緲欺樹裏之春光銀焰熒煌卻城頭之曙色殊不知
敵國來攻攢戈耀空虎怒而拏平雉堞雷訇而擊碎
簾櫳甲馬萬蹄卷飛塵而滅沒瓊樓百尺爆紅燼之冥
濛悉由脩袖舞殃朱唇唱隙瑤堦而便作泉壤玉楚
而旋成蘚石恨留山鳥啼百卉之春紅愁寄壠雲鎖
四天之暮碧悲夫往日層構茲辰古壕香逕而同歸

寂寂稽山而杳自高高遺堵塵空幾踐群遊之鹿滄
洲月在寧消怒濁之濤已而西日恣恣東波浩浩松
楸而駢作荒墟車馬而輾通長道彼雕墻峻宇之君
宜監丘墟於茂草

蠹賦

劉克莊

見本傳

余既倦遊退老于鄉五畝之園手自鋤荒封植群木
位置衆芳桃柳易蕃次則海棠密密踈踈稍已著行
曾不數年類為物戕疑此三者盛於春陽如人蚤達
理不得長橙袖冬實而華絕香梅至高寒桂尤堅剛
俄亦復然不可測量余靜觀之樹固如常忽有小竅

僅若鍼鏷浸淫不止穿穴其傍叩之空空望之憧憧
其拂簷出屋者可伐而薪叅天合抱者可拔而僵也
余周行四顧嘆息徬徨客曰嘻有蠹蟲焉爲樹之殃
先齧其心伏於膏肓如人內潰發爲疽瘍以小喻大
可得而詳由身言之蛾眉伐性豹胎腐腸尸蟲朘睡
諛於上蒼雖有老彭化爲小殤由天下國家言之鼠
食郊牲雀耗太倉群狐隳城聚螳決防眇綿不察以
至敗亡蓋身也天下國家也皆未免有蠹子徒憂樹
之枯朽而不憂身之危脆與天下國家之趨於季漢
末唐是謂小智見哂大方有佳禽焉擇木深藏性尤

憎蠹求索皇皇且鳴且啄或集或翔醜類蕃滋莫損
毫芒譬之精衛欲填瀰茫力微黨狐抱志未償曾不
如傍邑之種橘者用功甚簡歲歲大穰千林凍稿萬
顆弄黃主人深居初不下堂命挑蠹者以時掃攘視
蠹所在猶探諸囊雖索萬株無一天傷余矍然起謝
曰古有所謂貫虬之射手承蜩之痴僕客所稱道非
若人否幸客介余往造其宇同載而歸北面學圃

遊從忘朝晡尊酒輕招呼笑語恣玩狎翻覆雲雨殊
我友數君子古心相與娛每見輒賓敬衣裳儼而趨
惡石寓規誡美疢疾佞諛深山足風雨零落梅花株
亭亭岩上松霜姿一何孤感茲各努力勿以歲事徂

送別湖北漕李秘監仁甫燾林光朝見本傳

文字眇煙雲過眼徒浩浩所有未見書惜哉吾已老
子雲客長安陳迹一如掃同叔向來人我生苦不早
白玉來西崑一見自應好縱譚百代前至竟非枯槁
黃鶴有高樓恍如事幽討攬轡逢道州聽書下下考
周南勿留滯掇拾供史藁分手重酸辛璠璣衆所寶

十日不得面何為太草草

紫極宮誦李白詩及坡谷和篇因念蘇李聽竹
時各年四十九今予五十九矣遂次其韻

劉克莊

翰林兩仙人偶來聽風竹蕭蕭玉千竿采采綠一掬
少時負不群中歲乃見獨嗟予長十年所至戀三宿
徑當還笏歸奚俟揲著卜夜郎與儋耳老大費往復
宜州殿其後路險車又覆山中採芝去舍下炊梁熟

次韻寄太乙宮上官師晉陳旅見本傳

端居感流序階樹日撼撼涼風起高城上有南飛翮

楊雄不徼名拓落猶遠客美矣陶徵君歛裳去彭澤
我居城東南西北有珠庭病久曠冲賞懷哉松桂青
晏倩諒竒士夙受火珠經雲河澹秋夕泰時明三星
題楊顯民采詩卷後 前人
夢游洞庭野斜月映踈星軒后来張樂伶倫吹鳳笙
夢回憶其音幽眇有餘清截竹學向人世人皆不聽
南州有高士洗耳臥巖扃涼風鳴松林石澗響琤琤
何日即與語曠焉千古情

原範吟

劉有定 見本傳

天地不愛寶出此圖與書至哉百竒耦誨我何勤渠

十為夫婦始九為君臣初龜龍發天贖萬化皆權輿
禹圖順而實義畫逆以虛知來豈損益數往寧乘除
皇極即太極合散由卷舒云胡三代下識緯徒紛拏
太玄用畸羸潛虛置元餘去之二千歲此道今何如
乾君倦于老家事當誰傳豈無一索者庶孽不可言
大明出乎震繼照行中天坎者離之對內助稱其賢
主器必長子故遣司春元所配非少女生育何由蕃
震移艮斯代兌去巽以遷乾居少陽位坤退西南偏
如何反對者次序乃不然連山既首艮歸藏亦坤乾
安知後天位不在文王前

吾觀七廟制乃與後天會易中有太極生此覆與載
巍然正東向太祖取諸兌三昭與三穆以次各相配
乾坤具純體天地交乃泰美哉文武功世室莫敢廢
坎離得中道水火本相逮親盡或以祧功成則身退
艮者震之反巽者震之退親親故近東尊尊故居外
震為孝曾孫主祭祭如在至如宗有德于以昭後代
十六三十二不在七世內若以後天求位次必有礙
設位固面東三廟必依背所以都宮成太廟乃居北
先天即後天體用不相悖四時禘之小三年禘之大
悉陳祧廟主于以盡敬愛由八而八之三畫加一倍

又如祖自出天造方草昧太極本無極無廟禘於太
我思古人心萬世宜永賴禘法非不知夫子有深誨

雲林一閒

方時舉

名樸
見本傳

大道本無爲至人樂幽閒所以出世士適性雲林間
微颺度好雨白雲在林端我牧茁已長日長但高眠
澹然已忘我安知道為玄茫茫大塊間汨汨蟻磨旋
蠢蠢各有役營營良足憐乃知物外貴如如真始全
白雲諒匪遠矯首長悄悄

感寓

前人

蕭蕭北風涼槭槭木葉下獨客耿無寐披衣坐長夜

訖泉鳴喬林聞鼠穴窟瓦而我胡不歸飄飄在中野
昔別暑載途霜露忽飛洒豈不懷故居四郊尚戎馬
世無傅介子冠蓋混夷夏匪忘濟時志鬱鬱不得寫
棄置勿復言吞聲淚如瀉

真率會

劉性存

洪武中以薦為南海知縣

炎靈運玄化衣冠集芳辰皤皤斯達尊濟濟凡七人
琴瑟既在御豆登亦復陳旨酒式燕樂大美薄肥珍
登歌間行葦稱觴壽千春德將諒無醉既醉不失真
陶然宇宙間蟪蛄馬足論光風泛蘭蕙好鳥鳴及晨
江漢日云遠道義日益親覽圖百載下安得風再淳

願言繼遺響遙睇洛水濱

方士志耕隱

郭維貞

名完見本傳

雨衣製青荷雨笠編新籜斯人沮溺流日晏猶耕作
今年擬有秋烹羊祭先穡招我食力徒斗酒聊取樂
酣歌擊瓦盆昨晚牛生犢

古洞閒雲

林長楸

見本傳

崖傾人跡少谷轉蘿薜深古洞俯林藪白雲生夕陰
起伏變萬態出岫寧有心其間棲遯者相與忘升沉
采芳侶馴鹿跼趺對鳴禽何當馭格澤日夕同招尋

文峰春曉

林岫

見本傳

群鴉報天曙春色開林落光塵透竹窓山影疏簾箔
葉露滴猶響花光照經閣殿宇正曛曩金碧明丹牘

金臺七夕陪曾侍講子啓彭修撰汝器諸公宴

集分韻得斗字

林珪 附見林環傳

池館迎早秋蕭條宿雨後涼聲落高梧灑氣淡疎柳
雲歛河漢清迢迢望牛斗離思不可攄況茲感物候
幸接心所懽惜無樽中酒於馬寫幽素我琴時再奏
杳杳烟際鴻沉沉禁中漏零零遂盈襟坐來亦已久
裴徊未成寐殘月在西牖

秋江別意送林廷著應舉

林文 見本傳

湛湛長江水 上有楓樹林 風高木葉下 天寒江水深
美人戒晨發 祖餞江之南 一觴未及盡 青驪逝駸駸
慷慨一爲別 惻愴傷我心 君材富詞藻 琅玕間球琳
積久發必舒 物理固相仍 請看高飛鳳 寥寥守孤岑
陽鳥展其翅 大振瑤華音

和燕歌行

方熙 見本傳

四座且勿飲 聽我爲君歌 生來少讀書 自負膽氣多
逢人好陵轢 安能守謙和 朝廷募死士 奮身赴交河
筋力盡鞍甲 歲月竟蹉跎 羊腸九折坂 險阻常經過
雖云身不遇 幸不嬰禍羅 劔脫贈知己 囊空買秦娥

窮老守頽舍時乎將奈何

古別離

前人

愁心將何聊撫我孤桐琴絲桐感人情絃急無好音
拂衣起嘆息逍遙獨行吟遠望別離處江空烟水深

冬日遊覽

前人

咸陽城東門風景光奪目遠嶂開青蓮原田滿阡陸
邠鄆屬清渭驛路通函谷百貨集舟車曠野多樵牧
康莊平若砥車馬相馳逐金轡遊俠兒華簪皆世祿
何事茂陵人臥病衡門宿

送謝文祥御史謫南陵丞

彭韶 見本傳

零露一以墜原野生微涼金風轉蕭索四壁吟虫蟻
夜長不能寐攬衣起縈徨仰視天宇濶素月揚輝光
奄忽浮雲馳肅肅鴈南翔一啄諒易謀豈不足稻粱
窮海纍臣書藉爾遠見將羽毛尚摧落愴惻未能忘
云胡抱孤影悠悠岐路長願言隨陽歸以慰朝夕望

送邦紀弟赴通州學正

柯潛 見本傳

旭日耀層漢輕風吹碧漪行程渺何許征馬馬可羈
常時送歸客中懷亦凄其況此骨肉親胡能不傷悲
強持一尊酒爲汝陳諷規去去登泮學冠裳肅威儀
展席坐清晝橫經講軒義梁肉何足嗜飲水足忘飢

勗哉崇令德庶以慰我思

送別顧大尹

陳鉞 見本傳

南國有佳人早歲事機杼織成雲錦章間以鸞鳳侶
自從嫁夫婿流落向西土西土多樓居綺窓映深戶
歌舞當踞衢夜飲不知曙而我長廊下白日自操杵
西風吹芙蓉澹然傍洲渚有姝美清揚乃是名家女
相見合心素解佩以相與情意正綢繆驪歌動閨宇
仰觀西流景滔滔水東注人生如風萍一散寧復聚
車轄鳴間關欲訴情靦縷去去終離別鬱鬱傷懷緒
願身化飛鴻遠送凌霄羽

感興四首

周瑛 見本傳

有客學舞劍自謂術通神雷霆薄宇宙雙龍飛繞身
我亦有劍術未敢輕告人詘信隨陰陽指顧天地春
提瓶去汲井為君解宿醒不意綆中斷瓶墜不能升
君恩手中綆妾身井底瓶相望不相即此心誰能明
青天尚有涯滄海尚有底云胡人心微倏忽渺千里
人心不在遠祇在腔子裏夜半靈臺虛默默看元始
持刀斫月明月明何曾斷縛帚掃樹影樹影依前滿
人皆惡樹影礙此月明多樹根苟不拔其如月明何

寓意

鄭瑗 見本傳

我有徑尺璧蘊質自崑岡拂拭見光彩皎潔如截肪
玉人試磨錯製為琚與璜珍愛不忍佩什襲藏諸筐
攜之宦南北道路阻且長筐中忽悲鳴啓視化爲盂
俵俵獨不見鬱鬱意難忘

擬古用韋蘇州韻

林俊

附見林圭傳

出門有所適駢車長林端蒺藜翳古道登陟阻且艱
綠陰下啼鳥夕陽在空山有酒不得將芳賞良獨難
抱飢坐孤石流雲渺無迹谷泉逝暗聲荔逕稍棲息
緬懷千古心僅此一問易迴策惜人語虛堂海月白
鄒孟世不作魯風日頽靡荀揚後文軸珠璞填底裏

董生闖門戶昌黎亦後齒卓哉元晦翁大成集諸子
扶輿夙有鍾混沌良未死

南莊別野

前人

塵事日窈冥鳧山趣還好漁歌錯昏晝沙石淨如掃
舫舟散素襟文字時探討寢迹衡茆下生計亦草草
愧乏東平瓜獨有安邑棗開春理薄田即事起常早
寨樓村烟夕滄海白浩浩好爵不自縈名聲此中老

和蘇子卿效體寄守溪元老

前人

役役歲云暮俛仰時徘徊長鴻何冥冥失侶難因依
和鳴豈不念知音良獨乖撫樹動遙感秋至無好懷

繁華變蕭索時過寧不悲野陰日西夕寒蛩送餘哀
不見盛年好祇見容顏摧試問東逝流到海何時歸
洞庭今夜月一觴為誰揮願附雙長翼吳山來去飛

蒲陽文獻卷之二終

蒲陽文獻卷之三

七言古風

城山國清塘

林光朝

燭龍醉倒不開眼遮空萬里雲張繖小舟塘外日落
溶漁歌忽斷荷花風倚巖僧舍高深戶我來跋涉拳
肩股喘停更促短筇上恠石周遭臥萬鼓況是秋風
到此山惟有孤鴻時往還勞勞百年共纏縛不似青
山長自閒古人古人嗟已遠長歌商頌歸來晚

和前韻

陳士楚

見本傳

山光一洗紅塵眼長松夾道搖青繖回頭下瞰百川

融亭臯小立凌剛風傑閣玲瓏朱綠戶何年蓬萊移
左股山僧見客不斂眉梵唄琅琅應魚鼓欲攜三尺
彈龜山淳風一去不復還似墻草長章逢少幾百年
來風月閒嗟我賢聖遠復遠天高地下日易晚

長夏歎

陳宓

見本傳

六月不雨暘烏驕飛蝗更剪深田苗農夫抱衾覆一
畝背裂口焦如火燒農夫農夫莫怨怒更有無田可
耕處昨日長淮禾稻區白骨成堆今莫數金繒百萬
去安邊城壁不修唯壞垣人言大羊盟誓堅我願夏
日長如年

武夷丹崖

方伯謨

名士錄附
見方會傳

丹崖石氣疑高秋碧溪上引天河流金堂石室不可
到玉館莓苔生古愁僊人昔乘紫雲去白馬瑤鞭在
何處茫茫塵世那得知幔亭空記當年事君不見茂
陵松栢已蕭疎乾魚猶祭同亭祠

穀城山松隱巖

鄭樵

見本傳

青嶂迴環盡屏倚晴窓倒入春湖水村村叢樹綠於
藍歷歷行人去如蟻新秧未插水田平高低麥隴相
縱橫黃昏倦客忘歸去孤月亭亭雲外生

清明林下

鄭伯玉

見本傳

遊絲百尺飛到地野蝶尋春有任意一番輕雨洗梨花啼出玉真無限淚老夫不入少年場直向南軒亭午睡覺來歷省夢中事却憶邯鄲枕中記

四快圖

方大琮 見本傳

一人筮耳手不住一人袒背抓癢處一人理髮虱擒獲一人噴嚏虎驚去余鼻父塞耳驟聾虱無附麗頭已童惟背負暄覺竒癢麻姑之瓜不易逢吾聞氣涌如隄潰枕高唾遠道家忌且留眼讀養生書莫將身試快意事

謝氏祖孫創灑陽橋

前人

涑陽極目雲氣昏衝風揚波鼉窟翻湘妃抱琴望虞舜日暮江竹多啼痕木蘭為舟不可渡誰幻層淵作平路天潢夜靜牛渚長海市朝晴蜃樓吐祖孫移山山可移昔人不信今見之千年猶有召伯埭白面聚歛嗟何為

為趙敬叔賦漢海獸葡萄鏡蓋鄭夾添家故物也

前人

尚方老冶收精銅金膏玉水開腫朧未央曉月低青桐六宮秋井生芙蓉當塗妖鬼負神器銅人登車數行淚寶奩偶落長安市來與人間照珠翠凝陰空祭

江心龍海雨夜入閩王宮一朝愁殺添上翁破屋日
夜穿晴虹西苑野露堪作酒中有駒餘活欲走趙侯
得之莫失手龍女蛟童候之父

歌風臺次韻

前人

歌風臺前野水長王媪賣酒茆屋涼酒邊老父說劉
季頭戴竹冠還故鄉山河霸氣已銷歇颯颯老柳吹
斜陽臺前小兒手擊筑筑聲更似三侯章

採桑婦

方時舉

朝採陌上桑暮採陌上桑採採不盈掬新葉苦不長
東家練新絲西家理春機妾蚕未上箔妾衣知何時

妾身凍死不足惜良人遠戍天一涯良人一別長參
商堂上何人事姑嫜賣絲奉甘旨織絲供衣裳妾心
蠶絲亂妾貌桑葉黃去年陌上採桑女今年嫁與黃金郎

觀蔡忠惠墨蹟

前人

宋朝書法誰第一端明蔡公妙無敵百年遺蹟落人
間片紙猶為人愛惜公書方整八法俱蒞譜茶錄絕
代無當時石刻今已少況復筆蹟真璠璣此書飄逸
尤絕品風度不殊僧智永粉牋剝落神氣全夜夜虹
光穿藻井蔡公乃是莆名臣慶曆四諫才無倫堂堂
事業在青史詞翰聊以娛心神公今九原不可作三

後遺編淚交落荒祠華表倚空山月明定有歸來鶴

沉香亭

陳觀

附見陳賢傳

咸陽宮殿凌紫清珠簾翠幕春冥冥太平天子歡未足內園別作沉香亭沉香迢迢隔海水輸貢何時來萬里亭成馥郁滿京華椒桂無顏蘭蕙死東風淡蕩雲瞳矇遲遲步輦隨六龍葡萄出甕琥珀瑩牡丹倚檻臙脂濃詞臣獻辭有深意觚稜月上君王醉妖風一起草木腥沉香應落長安市君不見古來聖主稱陶唐土堦三尺茅茨長

讀陳忠肅公傳有感

柯潛

胡塵捲風天地黑胡騎長驅滿南北崖山孤主知存亡一夜愁心頭偏白丈夫耻作負恩生舉手擎天天已傾孤城如斗猶百戰蒼蒼不遣勲功成龍虎可騎不可擾怒氣吹人山亦倒君臣大義心自明白日青天懸皎皎嶺海間閑草樹寒四顧無人空淚彈國破家亡惟一死首陽有薇那忍餐節義文章埋不爛萬丈虹光燭霄漢我懷往事悲復歌烈烈英風鬢絲亂

魏孔淵太守送岑嘉州集書數韻復之

彭韶

岑嘉州真名流生平浩氣橫清秋詞源瀕洞傾枚鄒

春江曉漲蛟龍浮從班解秩不復收從軍直到海西
頭胡沙三載踏驂騑長安萬里空悠悠間關西赴五
馬侯郎官御史青幕遊蜀嘉山水增清幽夜夜文光
煥斗牛嘉州嘉州知不憂遺文淪落人重脩當時炙
手勢莫儔至今寧有姓名留

古塚行

陳鉞

昔人此塚初成日春雨冢碑土花碧清明歲歲拉親
朋醜酒割羊酹苔石一朝無主漸榛荆隙地猶付居
人畊陵遷谷變作城邑千門萬戶皆朱甍古黃學宮
在高處桃李成陰聯玉樹宮前數仞夫子墻墻下誰

知古人墓地中神物難久埋清宵變化乘風雷怒濤
捲地墓門裂石碑斷落銅棺摧可憐枯骨已成土沙
塵金釵留半股甕甌古雅明如玉寶鏡無光苔色古
呼童磨洗尋紀年背無款識飛鸞旋嗟爾英雄九泉
隔泊泊逝水無回源古來荒塚狐兔穴此塚今為蛟
龍得狂夫感慨悲復歌歌罷淒風淚沾臆百年有酒
且啣杯莫待後來人嘆息

涵江送別

王偉 見本傳

涵江自昔繁華地桑柘連陰百餘里笙歌搖曳樹底
聞甲第巍峩空中起人事變更非昔時荒烟落日青

猿悲豪華意氣今安在惟見江流無盡期南州文學
東魯客歲晏迢迢赴京國紛紛冠蓋餞江湄醜酒長
歌吊遺跡酒酣分袂各贈言事業相期追前賢風帆
向晚去如瀉天涯極目空雲烟

赤龍歌

周瑛

赤龍攪海海水渾巨鱗細鱗紛紛大風播蕩幾寒
暑餘腥猶自滿江濱上帝聞之發震怒不使淫威徧
下土飛符直取赤龍歸投彼遐荒禦豺虎春雲布滿
東南隅踈踈密密雨聲徐桑麻蔽野鷄犬靜遙聞擊
壤歌唐虞

竹雪齋為提學戴公乃兄誠菴賦

前人

小齋種竹只十個雪壓竹稍寒欲墮蒲簾高捲層雲
破一鈞新月入當座老夫肝腸鐵石做一生甘作衡
門臥東鄰獻捷西鄰挫滿城簫鼓紛來賀老夫騎驢
雪中過

臨汝書院成次潘水部見贈韻

前人

大冶鑠物搏陰陽青春去我何堂堂西偏小構亦頗
良不施黜堊橫白朶捲簾正對五羊岡樹木拂簷交

青蒼祥煙紫氣相迴翔坐令白日迷晶光文采弼彪
來省郎爲我藝苑芟穢荒鏗然制作稱大方利觜長
距獨擅場嗟予苦學未成章點綴犧尊青與黃六經
窟穴漱餘香拍拍春意覺滿腔與君對織雲錦裳著
向風前聊徜徉欲驂麟鳳游帝鄉又笑目眩心未忘
小吏抱牘來蒼皇謂耽文字頗有妨廣陸無車川無
梁出門萬里道路長使君局面宜更張

有所思

吳希賢見本傳

蘭荃無香蕭艾長美人別我忽孤往誰憐百萬億蒼
生蟻蠓紛紛在盆盎吁嗟美人天一方兼葭秋水遙

相望東門喪狗老見逐浪說鳳歌真楚狂君不見空
桑耕夫隱莘野志在匡時雨天下束帛不為三聘勤
堯舜之樂那忍捨又不見鼓刀老子釣渭溪白髮婆
娑照烟水後車不載非熊歸肯爲孟津濟師起我知
美人自樂求弗過佩紉蘭芷衣製荷誰為傳語兮西
山有薇不可食空谷采芝休作歌
九重明聖方側席子若不起將奈蒼生何

獨不見

鄭瑗

東飛伯勞西飛燕我所思兮獨不見歲云暮矣多霜
霰日月推遷玄髮變玃玃處郭誰與鄰高山無蹊河

無津車麟馬駢駢車馬蹤橫遍城闈獨不見意中人

偕邵文實王叔武戴伯綱劉惟馨謁鈞深堂

林俊

生離死別何足憂涪陵少頃諸公留眼面風塵化烟
水昨日草檄今山遊窄徑支藤歷萬竹宛轉高栢柴
門幽易洞吟壇久陳迹鈞深燈火時春秋當時堂籍
兩大老一祖白甫宗軻丘譙公門徒復地主尹公流
寓亦至此三畏變滅又滄桑增重溪山還四美我不
敢竊道脉又不敢參詩流雲物眈眈如有求藏身幸

在烟霞裡再拜先生一杯水

讀宋丞相陳忠肅公傳有感用先輩柯竹巖韻

前人

朔風吹沙白晝黑王孫天南復天北山河破碎幾時
收馬頭生角烏頭白宮門銅駝荆棘生陸沉海覆天
為傾謀臣漫浪夫大計三京之復成未成蜀漢江淮
日雲擾閩浙雷崩廣風倒孤城獨手容支持志決身
殲日皦皦感粟秋高胡月寒眼枯有血城上彈精魂
一付乾坤老骨肉任飽烏鳶餐南山飼牛白石爛吠
敵遙心重江漢徹桑隙穴備陰晴板板蒼天誰念亂

題松雪山水

前人

山水何人稱絕奇，吳興松雪老畫師。
鄭虔祁岳不足數，前身合是病王維。
與可曾中有成竹，此老林壑故不辱。
輕綃落筆百態生，奇形遠勢相追逐。
長松自昔參天材，踈髯碧淨無氛埃。
居然茅屋二三子，衡門靜掩荒蒼苔。
袒跣無營百事拙，竹裡漁舟臥秋月。
壯歌激越遶空翠，散亂白波舞晴雪。
素子家住雲水鄉，披圖見画心如狂。
藤蓑穩着賦歸去，倚天一笑江茫茫。

端硯用后山韻

前人

刷絲舊失奎房器，黃眼黑眉紛俗贅。
虛中起拜即墨侯，玉質金聲才實備。
虬蟠隱約羅星斗，玄泮滂咽烟霞氣。
文章重柄拔殊尤，詔書夜下採訪使。
蒲輪從役走萬卒，西坑上巖若平地。
最後斧柯得真本，奇寶迷藏方命世。
同時客卿白刺史，遭際晚不交一睡。
元鏡中峰美少年，嚴冷粗能識風致。
香酥冰髓潤精血，火齊懸黎落時貴。
酬工翔涌不作難，十家一飽中人費。
石走江翻雷電繞，及到啾啾聞鬼異。
靈丘合有神明護，茲事須煩博物志。
銅雀人間多事土，浪竊浮名潔清惠。
高低鵝眼豈石病，六一春秋舍至意。
勿輕投贄屬長公，貯月發雲書佛偈。

曾借松蘿住人將雨雪期三年一官罷嶽石看成碑

退居

前人

老歸江上村孤寂欲何言世亂時人物家貧後子孫
青山寒帶雨古木夜啼猿惆悵西川舉戎裝度劔門

遊東林寺

前人

平生愛山水下馬虎溪時已到還嫌晚重遊預作期
寺寒三伏雨松偃數朝枝翻譯如曾見白蓮開舊池

高田院橋

鄭良士

見本傳

到此溪亭上浮生始覺非野僧還惜別遊客亦忘歸
月滿千岩靜風清一磬微何時脫塵役杖屨願相依

和王太傅遊國清塘

鄭伯玉

寒日一觀眺四天雲色稀水風迎棹起沙鷺背人飛
玉縷鱸新膾金膏蠟正肥斜陽促歸旆那得戀漁磯

和李侍郎移竹

鄭將

字天任國子監元

仲夏竹迷日長竿帶筍移地生宜雨潤根淺畏風吹
斲破沿階蘚添成宿鳳枝子猷清洒意應與渭川期

和御製觀三聖御書

蔡襄

聖業薦功德宸毫冠藝文勢開千里浪光動九天雲
法駕乘時至仙都與世分皇心欽寶訓求治益精勤

過溪南韓氏宅

陳謙

見本傳

曾覽溪南勝重來四十年樹如人老矣山共水依然
香玉紛堆案晴虹對跨川吾廬今咫尺乘興且盤旋
題夾漈草堂

陳俊卿 見本傳

流水三間屋公會半席分帝嘗招此老天未喪斯文
人去留青竹山空只白雲升堂時想像金石恍猶聞

靈源庵

龔茂良 見本傳

遲回不忍去復作抱衾留斷續雲間雨蕭騷木末秋
勞生那有此漸老欲相投最愛千山暮鍾鳴處處幽
往行都至嚴州烏駐館阻水留二日

陳宓

村館通宵冷江鄉五月秋野梅酸味足隴麥餌香浮
水滿迷行徑瀾揚過去舟亭衢如可待莫厭小淹留

郭璞墓

劉克莊

先生精數學卜宅未應疎因將虎鬚死還尋魚腹居
如何師鬼谷却去友靈胥此理憑誰詰人方寶苑書

黃檗山

前人

出縣半程遙松間認粉標峰排神女峽寺創德宗朝
鶴老巢高木僧寒晒墮樵早知人世淡來住退居寮

張麗華

前人

臺上栢蕭蕭空堂閉寂寥芳魂三尺土往事幾迴潮

隋翠尋難見埋紅恨未銷猶勝江令在白首入隋朝

鶴食

趙庚夫

見本傳

鶴食從妻給花窠課子鋤絕糧緣買硯止酒為耽書
野服迎人懶禪心涉世踈丹爐添火候徒似十年初

送陳信仲泉州教授

陳旅

南國多春水桐花滿故園君歸典鄉校我獨客橋門
別浦征帆小高堂講席尊歲時宴諸老釀酒錦田村

題羅稚川畫卷

前人

雨氣通林壑江光動野航道人巖下去茅屋樹邊涼
斷岸入秋水遠山留夕陽登臨莫作賦遊子未還鄉

風雨既定星月皎然輾轉不寐有感

吳源

見本傳

不眠知夜永無語覺心清慷慨思時事沉吟見物情
賈生危論政趙括易談兵家國憂方大憑誰訪老成

過游洋留宿吳原輝后定山居

郭維貞

妙畫延陵子冥心今幾年溪雲移榻坐山雨下簾眠
李愿今盤谷王維舊輞川滄洲吾亦愛那有此林泉

次韻荅方用明就簡王伯明

前人

庭空山宛宛客去雨纖纖乳犬眠深戶慈鴉戲短簷
故交貧亦減新曆歲還添試就神巫卜家人報吉占

山中即事

前人

數日別江渚抱琴過竹溪山深黃耳遠日落畫眉啼
識字今何補懷家計亦迷明年與妻子春雨學扶犁

普覺堂

方時舉

普覺有何好秋來事事幽風簷落柏子榕葉覆溪舟
隱几山當戶翻經月到樓誰為姑射牧茆屋隔滄洲

哭郭滄洲

方用晦

名炯處士隱於鑿

破屋滄洲上清貧獨可憐書存無子讀詩好有僧傳

墓卜中元夜墳鄰北滌邊窮交空白首莫贈買山錢

石門清隱

方坦

字履道處士

鄭子石門隱石門長晝開了無俗客到時有白雲來

谷煖耕春雨窓陰聽瀑雷徵賢有明詔林下豈遺材

宿鵝湖寺

前人

鵝湖清勝地兩度振衣塵踏入珠林晚山環碧殿春
碑存多宋刻僧老半閩人話久鍾聲絕松房掩白雲

老圃書堂

黃思永

附見黃謙傳

瓜地書廬僻柴門闕碧流波光搖席冷山色入簾幽
琴撫聽黃鵠樽開近白鷗芳鄰有如此宜爾賦歸休

綠野耕叟

林環見本傳

負郭有先畬南東百畝餘閒雲常繞舍流水自分渠
白髮身宜退紅塵跡已踈誰知城市裏還似鹿門居

南平張明道桑梓圖

陳中見本傳

不到南平久西風役夢竟樹聲秋入屋溪漲夜臨門
白鳥磯頭釣青山菊下樽覺來仍在夢喬木自荒村

送檢討莊孔陽桂陽判官柯潛

鐘聲催曉騎寒色上重裘笑別鸛鴻侶遙臨山水州
直言非不用高志自難酬公暇閒吟處風清月滿樓

遊囊山寺

前人

下馬松關外行行過虎溪鐘鳴知寺近雲暝覺天低
澗底流泉滑簷頭古木齊何時謝塵鞅此地卜幽棲

與陳希明

陳鉞

青衿年少日曾過鄭公鄉蜃氣嘘高閣榕陰覆短墻
別來江國晚夢落海門蒼泮水逢君話清尊夜正長
不寐

前人

世事皆塵鞅乾坤亦鞴爐流年雙鬢短永夜一燈孤
歸計算方熟詩腸吟未枯推窓看天色涼露滴青梧

菊坡為單大尹宇賦

周瑩見本傳

解印歸來早黃花尚故坡理荒鋤蔓草習靜偃垂蘿

籬下寒香滿山南佳氣多此中真趣遠何必向岩阿
出郭 周瑛

騎馬出東郭茅簷遍村循吏需寧復急民俗可魯淳
簫鼓雲中社桑麻雨後村漢家循吏傳原不錄劉昆

曝背和賈汝易韻

前人

四海誰同曝半簷吾自分背温如挾纈氣暖欲蒸雲
瘦影傍梅見軒聲隔竹聞愛君思有獻點竄列生文

弔吳聘君

前人

富貴踞方熾山林跡漸稀誰能甘白屋君獨謝黃扉
學古難為用名高易嫁非百年泉壤下全璞有光輝

別顧高州

鄭紀 見本傳

曉出東郊路燕山翠欲流客從今日別我亦及春遊
花下停征騎江頭問去舟行程幾千里雲樹共悠悠

新晴

前人

天際微風起溪雲過短墻山容環榻近草色入簾蒼
古樹藏殘雨歸鴉背夕陽飛花如有意亂逐馬啼香

會任思順太守

林俊

短髮愁看暮丹砂未可憑三山五夜夢雙塔十年燈
魚鴈書還阻煙霞話豈魯草堂花在眼何日共支藤

和翠渠題陋軒韻

前人

幽偏良此地低小亦吾軒樹老藤欺屋溪迴水抱門
浮生謀竟拙春事理仍繁桂索誰能過簞瓢得細論

竹

前人

斷靄橫天外青山落水中林稀行野鶴笋熟過溪翁
索莫無諸事蕭疎又一風炎歆移處薄披寫此君同

買舟遊雲莊

前人

雲物秋來澹風情老去消野亭心一寄僕馬路成遙
嶽氣開晴雨漁聲答晚潮十錢供買榜水月淨氛囂

晚步

前人

倚林延薄暮秉炬訊花期地燠春來早山幽月上遲

怒流喧暗壁倦羽寂卑枝天意存禱散重遊或在茲
入秋偶成憶邃菴

前人

踈樹留殘暑平蕪帶夕曛簷聲初下葉峰影暮歸雲
野笛隨漁唱遊息雜鴈群草莊時看雨相憶紫芝薰

翠庭草堂次韻

前人

鳥寂斷春夢亭虛繫物華山林到城郭雲水會人家
暝落窓前葉香傳竹外花一區遺世在慰老托烟霞

寄劉憲副

林夔

附見林大猷傳

雉堞全天險麟符控上游魚鹽通小市燈火列高樓
寄重咽喉地權分將相籌官衙留客坐籬下晚香幽

送方壽卿予告歸

前人

憑秋動歸興別意合誰知伯仲吾師友庭闈子夢思
方書消永日簡注意良時莫向朱明問丹成更有期

經趙邊地

前人

地控龍荒險山連鴈塞雄鼓笳秋月白榆柳晚霜紅
一帶華夷限千年頗牧功天驕猶未滅長劍倚崆峒

遊武夷

黃鞏

見本傳

真境非人世平生夢見之杖藜來獨晚冒雨看尤奇
九曲將窮處一春欲盡時風塵吹客袂臨發故遲遲
莆陽文獻卷之四終

莆陽文獻卷之五

七言律

黃校書閒居

徐寅

取得驪龍第四珠退依僧寺卜貧居青山入眼不干
祿白髮滿頭猶著書東澗野香添碧沼南園夜雨長
秋疏月明掃石吟詩坐諱却都無儋石儲

憶山中友

前人

憶得當年接善鄰苦將閒事強夫君闢開碧沼分明
月各領青山占白雲近日藥方多繕寫舊來詩草半
燒焚金門幾欲言西上惆悵關河正用軍

寄富洋山禪者

鄭良士

畫破青山踏一條走鞭飛蓋去何遙礙天巖樹春猶
冷鎖院溪雲晝不銷雪上茗芽因客煮海南沉屑為
齋燒誰能學得空門士冷却心灰守寂寥

過建陽別舊識僧亞齊

翁承贊

見本傳

瀟瀟風雨建陽溪溪畔維舟見亞齊一軸新詩劔潭
北十年舊識華山西吟魂昔向江村老空性元知世
路迷應笑乘輶青瑣客此時無暇聽猿啼

使華亭

翁緯

附見翁承贊傳

走青奔碧月潺湲勢與情江遠接連沙草翠侵驅馬

路岸花紅濕釣魚船烟生遠店收寒雨風起高梧咽

暮蟬徐氏舊居人識否渡南溪下白雲邊

遊興化西門上谿

蔡襄

尋溪因過上溪遊雨後溪渾水亂流獨傍堤松卻飛
蓋為聞山鳥輟鳴鶻平田穉靛青雲合滿屋芭蕉碧
玉抽開濟無功湏蚤去故時瓜隴有通侯

遠亭

鄭伯玉

亭勢孤高映小池盤盤一道出林霏平誅岩腹草茅
盡直望海門煙火微樹石滿前供勝賞溪山無處隱
清暉宣城麗句人爭誦珍重陽春和者稀

和周楚望紅梅韻

方子通

名惟深興化軍助教

清香皓質世稱奇
試作紅粧更自宜
紫府與丹來換骨
春風吹酒上凝脂
直教臘雪無藏處
祇恐朝雲有去時
溪上野桃何足種
秦人應獨未相知

共樂堂

陳俊卿

共樂臺前花木深
登臨當暑豁衣襟
紅垂荔子千家熟
翠擁篔簹十畝陰
老退已尋居士服
清歡時伴醉翁吟
憑欄四望豐年稼
差慰平生憂國心

冬夜憶謙之

方翥

見本傳

忽憶夫君阻笑言
出門南望欲飛翻
孤城隔水初侵夜
畫角因風自入村
短句有時隨意得
古心近日與誰論
未除習氣君應哂
月冷梅香易斷魂

幽化院

龔茂良

晝寢招提最上頭
飢禽亡賴故喧啾
嶺雲西去欲成暮
山雨北來渾似秋
婉婉如今真是夢
經從似舊絕堪愁
昔年陳迹鷄窠下
日落鍾鳴山更幽

前歲過真陽
初識子欽
今道出曲江
不忍遽分手
偶成長句以志
兩處山川人物之勝亦少慰

別來耿耿耳

林光朝

秋崖一夕卷炎蒸
那更揮斤為斲冰
碧落舊尋燒藥

龜白羊長對讀書燈相期大庾何多日似出浮屠向
上層縱有分張吾未老定從臺閣看飛騰

次韻賀丘國鎮致仕

前人

桃花流水是家鄉洛下才名四十強自有赤松堪辟
穀那能白首更為郎案頭貝葉忘言久江上尊羹引
興長邂逅却成香火社好將詩句細商量

送夾漈先生赴召

前人

別墅生涯富古今凝旒夢卜苦追尋一卦細札三家
市萬卷新書四海心北關龍吟清晝永東臯猿嘯白
雲深滿懷經濟今休靳聞道蒼生渴傅霖

到九座寺

陳宓

想像精藍九疊前青鞋今得踏雲烟霜邊澗水多成
玉嶺上人家半是仙伏蟠千年無動意老松何日不
幽禪可憐倚馬思歸客有底區中未了緣

哭黃直卿寺丞

劉克莊

久在文公几杖旁暮年所得最精詳貧甘香火辭符
竹病整衣冠坐篲床壯士軍中悲亮死先師地下惜
回亡法雲破寺三間屋却有門人遠赴喪

題趙山中祠堂

前人

端平聞說建祠堂白首纔熏一炷香早有埋辭哀錫

耀睨為畫贊，頌東方。秋風浩蕩，吹墜樹落。月依稀，照屋梁。千古行人來，下馬陳詩，不必奠椒漿。

謝趙憲副使惠建茶

陳璣

俊卿之後知南安縣

貢餘自合到侯王，誰遣甘芳入茗腸。野客驚看龍鳳，夸家人學試蟹魚湯。題來諫議三封印，分到尚書八餅綱。盡洒從前醒腐氣，時時澆取簡編香。

使金

傅至叔

名誠見本傳

霜明玉節映寒流，馬渡盧溝向上頭。萬里河山觀古塞，百年荆棘嘆神州。要臨瀚海銘燕石，莫上新亭作楚囚。多少遺民思舊俗，可憐金帛歲包羞。

城山國清塘

余謙一

見本傳

湖光山色酒杯中，此會那知一笑同。風暖空巖落松子，雨晴新漲沒鳧翁。隔林村落微茫見，一逕禪房曲折通。老艾當年題品處，斜陽無語想高風。

同僧遊瀕陽塘上生院

趙庚夫

公堤上下看沙鷗，得句支筇自點頭。風露高時將鶴伴，溪山好處載僧遊。老無志願惟漁艇，閒有工夫上寺樓。歲晚淵明須自笑，督郵未至合歸休。

被執至合沙詩寄仲子訣別

陳文龍

見本傳

斗壘孤危弱不支，書生守志誓難移。自經溝瀆非吾

事得死封疆是此時須信累臣堪擊鼓未聞烈士樹
降旗一門百指淪胥北惟有丹衷天地知

送朱蓮峰著書得官南歸 陳旅

城東有客過吾廬揮塵高譚逸氣舒金馬豈無方朔
伎石渠今取夏侯書沙堤老屋秋楓合海浦歸航暮
雨踈我亦草玄官拓落江南無地可耕鋤

和連汝信

伍時敏名衡見本傳

習靜幽齋絕外思景深情曠兩相宜風薰花氣晴侵
夢雨漱溪聲寒入詩魚近碧闌人狎見鹿眠香芷客
來疑時時懸榻需君至此興旁人未必知

懷士方

前人

松邊分袂歎秋涼又是西風老素商海國雲深無過
鴈雨窓燈寂有鳴蜩清尊誰共黃花酒白髮先分紅
葉霜兩地相思應不異他時試與檢吟囊

遊華嚴寺

柯舉處士號竹圃

舊遊曾記此山川萬事回頭一夢然早歲不知人易
老晚年方信世無禪樵柯牧唱千村暮鶯語花香二
月天人境了然描不就山僧對我更談玄

和韻荅雪巢病中見寄

方時舉

文盟深喜得過從苦憶幡然一病翁離亂曾同僧寺

雨笑談還醉橘岩風花邊藥果時時晒竹裡詩囊句
句工擬報平安消息近雪巢深處早梅中

和陳廷中避地南泉

前人

思君時復上寒岩十月林巒尚翠嵐溪竹裁成綠玉
杖石橋拄過白雲菴客懷最與山僧似時事難從野
叟談却憶當年杜陵老卜居正近浣花潭

西庵謾興

方坦

留宿西庵歲又除檮梧據坐一僧如暖姝竟作堂堂
別懶性空為咄咄書垣竹紫侵寒雨重野梅香襲曉
烟踈山中酒熟應歸去數畝園蕪帶雪鋤

為黃原清賦綬溪漁隱

郭維貞

漁郎家住清溪曲買斷徐潭作釣鄉自製蓑衣眠別
渚故移茶竈上輕航荔支林瀉水烟煖鷓鴣桃花野
岸長日暮醉歸魚滿筥樵青敲火倚踈篁

和方晦齋韻兼簡陳以靜

前人

佳人自古多薄命笑殺無鹽乃畫眉鏡裏雪霜憐我
鬢燈前風雨誦君詩餘生亦擬歸兜率三樂那能學
啓期最憶溪毛侑村醕秋期煩報鹿門知

苕溪耕隱

方用晦

苕溪環翠入瓢湖古木雲莊即舊居每種秫田秋釀

酒剩收桐子夜觀書雪晴度嶺閒騎犢客至沿溪旋
打魚老我塵中無隱處借君餘地著茆廬

送別賦得東渡春瀾

林士敏

見本傳

長堤楊柳綠婆娑二月江南春水多送客又經桃葉
渡逢人還唱竹枝歌沙明翡翠藏芳草日煖銀魚戲
碧波正好尋幽同載酒東風爭奈別離何

九鯉湖

黃孟良

洪武中以薦為松陽主簿

人已昇僊鯉化龍伊誰湖上構僊宮石遺丹竈潺湲
裏烟鎖瓊臺縹緲中青鳥去來猶夜月碧桃開落自
春風此行非為邯鄲夢擬向橋頭遇石公

壺山歸隱為宋允聞題

鄭雲

見本傳

三秦羈旅十年心故里歸來白髮侵苔徑落花春欲
遍柴門流水雨初深耕餘北壟隨孤鶴吟罷南軒撫
素琴亦有舊居鄰水石他時許我重相尋

和胡學士冬至後六日遊牛首山佛窟寺

林環

松下禪扉晝不關垂蘿應許世人攀黃龍說法諸天
在白馬馱經幾日還近戶泉聲晴雪後隔林僧影夕
陽間不須久住煙霞樂暫得尋幽即是閒

和山行侶圖為隴西彭子玉題

黃約仲 見本傳

吳烟越樹共依依
候館驚心一鴈飛
三徑秋隨芳草
盡亂山人向故關
歸碧雲拂曙迎
征旆黃葉從風點
客衣聞道滄浪多
應召明時莫遣
宦情微

送楊叅政歸閩藩

前人

金臺相送思依依
霜落關河鴈正飛
萬里獨承行在
召一麾仍向大藩
歸舟移越渚孤雲
遠踏入閩山古
木稀況是黎民懷
惠久陽和又到省
中薇

送方濬源教諭歸宣城

黃壽生 見本傳

古戍遙臨野水邊
幾家籬落帶人煙
夕陽激灑棄榆

合暝色蒼茫
雉堞連歸思
謾從何處寫
客心偏向此
中懸死陵山
色看來近不
用回頭重惘
然

題小景

林文 見本傳

數間茅屋倚岩阿
石徑縈迴出薜蘿
萬里碧空飛鳥
沒一林紅雨落花
多舟橫野渡無人
喚
屐響溪橋有
客過
天外斜陽催夕
景滿懷詩興欲
如何

題濯纓亭

周瑩

平湖渺渺混陰晴
湖上名亭舊濯纓
兩岸好山澄爽
氣四簷芳樹帶寒
聲坐來白鳥情偏
狎唱徹滄浪興
更清何待臨流洗
塵垢此身久已謝
浮榮

送行人司正邵震使安南 柯潛

天王出震繼虞唐宇宙重新化日長
要使車書歸一統遠頒正朔到殊方
碧天盡處通容管瘴雨晴時過
富良珍重平生清苦節莫將薏苡載歸囊

寄愚庵陳冢宰

彭韶

勒就功名上鼎彝乞骸累疏達金扉
鴻恩此日加宮保鶴算來年是古稀
閒結耆英尋舊侶新裁野服稱
初衣郡樓紫氣銷沉久喜見清風太宰歸

送鄭啓善掌江都教

李仁傑

字唐英成化壬辰進士第
三入官終編修

故園桑梓舊連陰京邸相逢喜不禁
尊酒又為千里

別篇詩聊寫十年心波光渺渺隨舟去
柳色依依向客深明到維揚如見鴈
慇懃無惜寄佳音

嚴溪舟中見月有懷知已

陳鉞

陰雨連旬惱客悰偶因月色自推蓬
十分霽魄此時滿萬里清輝到處同
烏鵲夜棲驚未定魚龍秋睡香
難通故人懽笑知何在詩酒小樓閩海東

自悼呈柯孟時學士

前人

閒調綠綺操倚蘭轉覺人生適意難
幾處好山吟謝眺一庭深雪臥袁安
芳隣有酒頻留飲孤館無書謾借看
堪笑昨宵清夢裏猶排闥闔獻琅玕

奉陪瑞州守李公清風亭小飲

前人

九日郡侯饒野趣登高直到洞山尖
狂麾翠壁題詩句醉摘黃花插帽簷
萍水衣冠千里會風流儒雅一時兼
不須細把茱萸看拚取年來白髮添

登擬峴臺讀曾南豐碑次潘水部韻

周瑛

摩挲苔刻讀殘文往事悠悠付夕曛
野竦未收前澗雨山風遙送隔溪雲
霸圖馭世應多術王道驅民不掩群
臨汝依稀同漢沔曾無垂涕到裴君

郡齋酌別送鄭御史還貴溪用聯句韻

前人

短箔疎簾風雨深一壺濁酒夜談心
青山何處尋同調白髮此時逢賞音
徐穉到門應下榻管寧鋤地獨揮金
懸知別後相思憶兩地停雲向夕陰

題九鯉湖

鄭紀

一自丹成入九天只今山水盡名仙
鸞驂鶴馭三千界貝闕瓊宮幾百年
物外已忘生死幻人間未斷去來緣
使車暫却紅塵跡來借清風一榻眠

寄題冠萊公祠

方岳

附見方解傳

鈞衡獨運殿巖廊獵獵胡塵起朔方日轂親扶行斧
鉞天威遠播靖封疆北門共惜暹朝晚南粵誰知去
國長氣節如公天下少故令枯竹感雷陽

題鶴洲延綠亭

吳希賢

信手栽花香可拈綠陰啼鳥在危簷湖光向晚斜侵
竹野色經春迥隔簾水落濂溪分一脉天垂壺嶠露
雙尖輞川浪說多奇勝何似茲亭吏隱兼

和無題二首

張元紳

附見吳稔傳

銅魚雙鑰夜沉沉十二瓊樓禁苑深九曲柔腸千種
恨一天明月萬家砧舞衣謾著重重錦歌袖空間縷

縷金自笑不如紅錦帳尚垂雙帶縮同心

花枝嫋嫋顫春寒幾度含情強笑看盡日不聞來玉

輦一春空費倚闌干垂簾不放雙飛燕覽鏡偏傷獨

舞鸞多少渴心消不得金莖謾說露盈盤

松門書院

魏時敏

附見吳稔傳

松門直上與雲齊梧竹陰森踞不迷謾向南山歌白
石更看午夜照青藜雨餘一水當溪落嵐淨千峰入
戶低只恐

明時徵詔起却教須鶴領幽棲

夏日偶成寄高知州

前人

一春臥病掩荆扉轉眼風光又葛衣江郭雨晴榕葉
暗山庄地煖豆花肥厭騎羸馬聽鷄出喜買扁舟載
鶴歸欲把長竿釣明月白雲占斷子陵磯

送僧還牛首山蘭若

前人

懷人飛錫向南天石上相逢話夙緣蕉葉藤花堯率
寺灘聲月色建溪船途中施食曾留偈蓬底跣趺不
離禪更說故山多法侶共看松偃舊房前

寄黃處士

林釗

附見林文傳

半月池邊老謫仙松篁一徑護茅椽逸懷夜雪山陰
棹生計春風谷口田慷慨詩章追古作風流文采冠

時賢相思幾夜看星斗一點晴光太白躔

厓山次陳白沙韻

顧叔龍

附見顧孟喬傳

我來還約白沙翁夜雨蒼茫一棹同山踞至今多勁
草海濤終古起悲風君臣魚水魂猶在胡虜腥羶跡
已空鐵纜江頭三片石前身端合是三公

送方壽卿入京

林俊

委巷陰森竹樹斜隻藤支老大方家醉移錦瑟絃中
鴈看拂青衫袖裏蛇歲晏相期自心事君行獨贈一
梅花出門奈懶吾先別偃臥江天數落霞

再起感懷

前人

重是雲居欠穩眠，蛻殘凡骨未能仙。西南文字江山債，老大風塵大馬年。絕域孤屯銅柱外，荒祠古栢錦宮前。出門二表肝腸在，刻鵠功疎一惘然。

正寧寫懷

前人

老忙愁疾轉焦煎，撥遣訶呼借晝眠。幾地烟霞淹日月，百年文字欠山川。洞門白石乘牛處，華表青峰化鶴年。欲往桃源訪遺跡，小舟閒坐武陵仙。

靖安即景

前人

結約春還又客先，馬鳴小隊出盆田。雙峰雲動雨溪雨，七井星回百竈烟。政急間間思解網，月明湖海夢歸船。簡書頗亦西州前，意在空長去鳥邊。

歸船簡書頗亦西州前，意在空長去鳥邊。

繭窩成

前人

一窩山繭結重霞，斷葉吳蚕是此家。短興西風元亮菊，浮生新雨邵平瓜。飛回別谷雲偏懶，流過中天日易斜。心迹古人痴未放，草窓羲易送年華。

全節祠二首

前人

大息橋山事不還，却留羅襪試間關。決天母子風濤外，如禮君臣俎豆間。骨冷尚煩春草綠，泪枯真帶石厓斑。翟輿禕服莊嚴在，可是男兒有厚顏。

手携塊肉泪相看，志决身殲力許難。舊內已頒元曆

日行朝終少漢衣冠汗漬到海流方盡宮骨凝秋氣
作寒獨倚厓門吊興廢野陰風雨杜鵑殘

再乞侍養書懷

前人

即辰三沐更三薰滿紙平生重上聞天闕正如無繫
鳥林深容有不歸雲山高月小蘭坡夢寤然猿驚意
帳文進止乾坤自情事話長燈影記臨分

初秋

前人

忙盡乾坤一歲華石榴今子菊將花秋江合作鷗群
地社日空辭燕子家力薄壯心慵看劍野清邊埃重
聞笳廣庭四壁蛩聲冷碧落高低到鴈斜

烏江項王廟

方良節

字介卿松江廣德人
官終廣東布政使

落木蕭蕭江景空江頭有廟祀重瞳殘碑零落寒煙
外遺像荒涼夕照中關內望遠秦父老淮陰坐失漢
英雄可憐身死東城下決戰猶誇斬將功

送蔣良醫致仕

林夔

不將漫刺謁朝官依舊滄浪一釣竿宦味便從今日
去交情轉覺別時難藥爐午熟初嘗火竹院朝暉未
整冠却憶進方親

御宸鼎湖弓劍雨聲寒

約羅志仁鄭汝華出會澤中

前人

兩年宦路惜睽違
春晚關河一棹歸
楊柳暝煙啼頰
重闌干
疎雨落紅稀
故人氣味真
玄酒遊子心情又
彩衣十里官曹頻在望
竹爐煮茗待斜暉

落花次韻二首

陳伯獻

字公賢
弘治己未進士
官終廣西提學副使

銅槃燃燭夜無權
十日春凝九日寒
斜閣秋千閑院
落亂嘶叱撥
遍長安
流光冉冉欺人易
時事悠悠適
意難誰說穠華偏擇地
五侯池館總摧殘
綠肥紅瘦綺寮前
如雨沉陰咽管絃
隋苑林空仍綴
絲洛陽擔弛不論錢
蝶衣曬粉傷新緒
燕寢凝香結
舊綠榮落乘除還
宿數臨風無用一
愀然

落花次韻二首

吳昭

附見吳源傳

春事闌珊思轉悠
閑因掃徑喚蒼頭
誰家短笛風輕
度何處長橋水亂流
苔濕有香黏屐齒
月斜無影上
簾鈎却思割錦纏頭地
虛負歌兒字莫愁
春來春去太匆匆
群品居然付一空
作勢漫飄千里
雪隨綠
休恨五更風
江城遷客頭
應白野店吳姬酒
自紅舊識獨憐玄
鳥在啣香還入畫堂中

對菊次韻

徐元稔

字明嘉
弘治壬戌進士
官終南京兵部郎中

暝色寒威傍晚蒼
小齋獨坐看洪纖
秋光過眼黃花
老世事驚心白髮
添別久思家無鴈到
憂深扣易得

龍潛風塵擾擾歸何日濁酒幽香意未嫌

莆陽文獻卷之五終

莆陽文獻卷之六

五言絕句

壺公山

翁承贊

井邑斜連北蓬瀛直倚東秋高岩溜白日上海波紅

題蘭

郭維貞

澄浦生蒼玉幽篔得露多採芳將有贈不柰遠人何

杏林先生自山中歸

前人

五月冲溪雨題詩心緒違天寒一樽酒吟社故人歸

哭羅應魁狀元二首

周瑛

人心皆孔孟世道皆商周此意無人會西風吹古丘

白日金牛洞青雲丹鳳樓思君不可見新月上簾鉤

哭靈輿撰詩一首

明月中秋照殿前心前幾度天我今一報自今秋

不飲坐自山中醉

登南主文王正德武科魏多林少澤林即不

不飲坐自山中醉

共道

不飲坐自山中醉

不飲坐自山中醉

七言絕句

梨嶺

林藻

附見林蘊傳

曾向嶺頭題姓字不穿楊葉不言歸弟兄各折一枝
桂還向嶺頭聯影飛

一斛珠

江梅妃

東華民家女姿態明秀善

詞賦唐明皇時入宮最寵幸為貴妃謔如遷上陽東宮明皇思之封珍珠一斛密賜妃妃不受作此詩謝

桂葉雙眉久不描殘粧和泪汗紅綃長門自是無梳

洗何用明珠與寂寥

方直甫見示次雲乞豫章集數詩偶成二小絕

林光朝

脩水佳人白玉欄花前何似妾容顏從來未省傷春
意猶自樓頭盡遠山
莫恠騷人大頡頏曾聞阿母語劉卽神仙本自無言
說尸解由來最下方

詠史二首

劉克莊

虜入中原力不支洛陽名勝浪相推可憐揮塵人如
壁半夜排墻猶未知
保惜金甌未必非臺城至竟亦灰飛隱侯老任梁朝
事却爲閑情減帶圍

九座閑詠

林彖 見本傳

短短桃花點綠莎輕輕
鳥下晴波宛然西塞江邊
路只欠能詩張志和

木蘭陂旁有鄭耕老書堂耕老時分教四明

龔茂良

木蘭春漲與江通日日江潮送曉風此水還應接鄞
水爲誰流下海門東

熙寧橋

鄭叔僑 附見鄭伯玉傳

千尋水面跨長橋隱隱晴虹卧海潮結駟直通黃石
市連艘橫斷白湖腰

舟下建溪

方子通

客航收浦月黃昏野店無燈欲閉門半出岸汀楓欲
死繫舟猶有去年痕

題班婕妤好題扇圖

陳旅

層城柘館重徘徊坐見瑤階長綠苔
紈扇秋來定無用君王方築避風臺

題古木幽篁圖

前人

蕭蕭木葉落欲盡渺渺洞庭生
白波虞帝不還秋事晚幽篁斜日倚湘娥

興化縣尹馮西美歸三山

郭維貞

橘山山下曾相見沙合橋頭杜宇啼
白髮故人官滿去一簑寒雨上春犁

去一簑寒雨上春犁

哭郭滄洲

陳耕之

能詩東野名偏著愛酒陶潛貧不憂
今日牛眠三尺土寒潮依舊落滄洲

題墨竹

林環

曾記吹簫學鳳鳴碧雲深處度秋聲
誰移一片瀟湘影寫作江南萬里情

閨怨

方熙

深閨有泪濕羅衣萬里沙場音信稀
滿地落花春又去雙雙紫燕認巢歸

晚過畫屏巷

陳鉞

瓦礫平鋪石磴斜
棘枝藤刺接桑麻
老翁閒說當年事
指點東鄰是相家

次陳白沙韻送賀克恭歸遼左

周瑛

故國溪山病裏還
半生心事語人難
牀頭舊有匡時疏
不許傍人來借看

為葉左叅題寫騷亭

前人

藝苑開荒歲月勞
幽蘭香芷雜江臯
白頭心事無人識
風雨滿庭自寫騷

沈石田畫次韻

林俊

籟藥苗齊竹又孫
殺無歲月是煙村
貼山墻短鷄登樹背
路花深鹿卧門

莆陽文獻卷之六終

莆陽文獻卷之六

五



王荅孫鑑刻

程